



Broj: 05-120-5/18

Sarajevo, 13. 02. 2018. godine

Na osnovu člana 69. stav (1) tačka a) Zakona o javnim nabavkama („Službeni glasnik BiH“, broj 39/14, u nastavku: Zakon), člana 70. stav (1), (3) i (6) Zakona, člana 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14), preporuke Komisije iz Zapisnika o pregledu i ocjeni ponuda, broj 05-120-4/18 od 09. 02. 2018. godine i člana 16. Statuta Agencije za bankarstvo Federacije BiH („Službene novine Federacije BiH“, broj 3/18), direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku nabavke usluga

I.

Prihvata se preporuka Komisije za provođenje postupka javne nabavke usluga posredovanja pri nabavci aviokarata za potrebe Agencije za bankarstvo Federacije BiH (u nastavku: ugovorni organ) i okvirni sporazum za javnu nabavku predmetnih usluga dodjeljuje se ponuđačima: „Globtour Event“ d.o.o. Sarajevo, „S Tours“ d.o.o. Sarajevo i „Centrotrans Eurolines“ d.d. Sarajevo.

II.

Ukupna vrijednost okvirnog sporazuma iz tačke I. ove odluke bez uračunatog poreza na dodanu vrijednost (PDV), iznosi 76.924,00 KM.

III.

Po okončanju roka za žalbu, ugovorni organ će s izabranim ponuđačima zaključiti okvirni sporazum kojim će regulisati međusobna prava i obaveze.

IV.

U skladu s članom 70. stav (6) Zakona, ugovorni organ objavit će ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su sudjelovali u ovom postupku.

V.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona.

OBRAZLOŽENJE

Odlukom o pokretanju postupka javne nabavke usluga posredovanja pri nabavci aviokarata, broj: 05-120/18 od 15. 01. 2018. godine, odobreno je provođenje postupka javne nabavke predmetnih usluga za potrebe ugovornog organa, s namjerom zaključenja okvirnog sporazuma s više ponuđača na period od jedne godine. Javna nabavka provedena je putem otvorenog postupka nabavke. U skladu s članom 35. Zakona, Obavještenje o nabavci broj: 3010-1-2-24-3-4/18 objavljeno je na Portalu javnih nabavki 16. 02. 2018. godine.

Procijenjena vrijednost nabavke utvrđena je u iznosu od 76.924,00 KM – bez poreza na dodanu vrijednost (PDV).



jedne godine. Javna nabavka provedena je putem otvorenog postupka nabavke. U skladu s članom 35. Zakona, Obavještenje o nabavci broj: 3010-1-2-24-3-4/18 objavljeno je na Portalu javnih nabavki 16. 02. 2018. godine.

Procijenjena vrijednost nabavke utvrđena je u iznosu od 76.924,00 KM – bez poreza na dodanu vrijednost (PDV).

U skladu s Odlukom ugovornog organa imenovana je Komisija za javne nabavke, kojom su definisane njene nadležnosti, koje uključuju poslove otvaranja, pregleda i ocjene ponuda.

Slijedom navedenog, komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda broj: 05-120-4/17 od 09. 02. 2018. godine u kojem je konstatovano da su po predmetnom postupku nabavke pravovremeno pristiglo 6 (šest) ponuda.

Na osnovu izvršene analize i ocjene pristiglih ponuda u pogledu kvalifikacijskih i cjenovnih uslova nadmetanja, komisija je utvrdila:

- da su ponude ponuđača S Tours d.o.o. Sarajevo, Globtour Event d.o.o. Sarajevo i Centrotrans Eurolines d.d. Sarajevo kvalifikovane i prihvatljive za ugovorni organ, te da su dostavljeni svi traženi dokazi propisani tenderskom dokumentacijom, na propisan način;
- da se ponude ponuđača Fortuna Tours d.o.o. Mostar, Relax Tours d.o.o. Sarajevo i Ventura Travel Agency d.o.o. Travnik odbacuju na osnovu člana 68. stav (1) i (4) tačka i) Zakona,

iz razloga što navedeni ponuđači nisu ispunili zadane uslove i zahtjeve iz Tenderske dokumentacije (u nastavku: TD).

U ponudama navedenih ponuđača evidentirane su sljedeće nepravilnosti:

- Ponuđači „Fortuna Tours“ d.o.o. Mostar, i „Relax Tours“ d.o.o. Sarajevo nisu ispunili minimalne uslovi za kvalifikaciju navedene u poglavlju 7. (Minimalni uslovi za kvalifikaciju ponuđača), tačka 7.4 (Tehnička i profesionalna sposobnost – član 50. Zakona), iz razloga što nisu dostavili ovjerenu potvrdu o korištenju rezervacijskog sistema (Amadeus, Worldspan i dr.) ne stariju od 6 (šest) mjeseci od dana dostavljanja ponude. Isti su dostavili kopije Ugovora o korištenju rezervacijskog sistema Amadeus od 07. 02. 2015 godine, odnosno 01. 01. 2004. godine što je u suprotnosti sa zadanim uslovima iz tačke 7.4. Tehnička i profesionalna sposobnost – član 50. Zakona, pod tačkom b) TD.
- Ponuđač „Relax Tours“ d.o.o. Sarajevo je nepravilno vršio ispravku u nacrtu okvirnog sporazuma, obzirom da ista nije potvrđena potpisom i datumom vršenja ispravke, a što je u suprotnosti sa tačkom 10. (Sadržaj ponude i način pripreme ponude) TD.
- Ponuđač „Ventura Travel Agency“ d.o.o. Travnik nije ispunio kvalifikacijske uslove navedene u poglavlju 7. (Minimalni uslovi za kvalifikaciju ponuđača), tačka 7.4. (Tehnička i profesionalna sposobnost – član 50. Zakona) TD, s obzirom na to da nije dostavio dokaz o uredno izvršenom najmanje jednom ugovoru u prethodne tri poslovne godine u vidu potvrde koju daje druga ugovorna strana, a koja mora sadržavati sljedeće podatke:
 - naziv i sjedište ugovorne strane ili privrednog subjekta,
 - predmet ugovora,
 - vrijednost ugovora,
 - vrijeme i mjesto izvršenja ugovora,
 - navode o uredno izvršenom ugovoru.

Navedeni ponuđač dostavio je potvrde o uspješno izvršenom ugovoru u kojima nisu navedene vrijednosti ugovora, te stoga nije moguće utvrditi da li je ponuđač u prethodne tri (3) poslovne godine uspješno izvršio jedan ugovor čija je vrijednosti najmanje jednaka procijenjenoj vrijednosti predmetne nabavke.

Nakon odabira prihvatljivih ponuda ugovorni organ je pozvao ponuđače S Tours d.o.o. Sarajevo, Globtour Event d.o.o. Sarajevo i Centrotrans Eurolines d.d. Sarajevo da sudjeluju u e-Aukciji koja je održana dana 09. 02. 2018. godine u 10:45 sati. Obzirom da ponuđači nisu aktivno sudjelovali odnosno nisu podnosili novu cijenu, početne vrijednosti ponuda ostale su nepromijenje.



U sljedećoj tabeli prikazani su rezultati rangiranja prihvatljivih ponuda nakon provedene e-Aukcije:

Redni broj	Ponudači	Ukupna cijena, bez PDV-a
1.	Globtour Event d.o.o. Sarajevo	77.074,00 KM
2.	S Tours d.o.o. Sarajevo	77.924,00 KM
3.	Centrotrans Eurolines d.d. Sarajevo	78.424,00 KM

U postupku donošenja ove odluke posebno su cijenjene činjenice da je komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu s kriterijima TD.

U postupku ocjene provedenog postupka, ocijenjeno je da je komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i TD.

Uvidom u priloženu dokumentaciju vidljivo je da su izabrani ponuđači najbolje ocijenjeni na osnovu zadanih kvalifikacijskih i cjenovnih uslova nadmetanja, pa je komisija dala preporuku da se istim, saglasno članu 69. stav (1) tačka a) Zakona, dodijeli okvirni sporazum u predmetnom postupku javne nabavke ovih usluga.

Uvažavajući sve navedeno, primjenom članova 69. stav 1. tačka a), 25. i 70. stavovi 1.,3. i 6. Zakona; člana 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 16. Statuta ugovornog organa, odlučeno je kao u tački I. ove odluke.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članu 97. i 101. Zakona.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom.

Žalba se podnosi u najmanje 3 (tri) primjerka.


DIREKTOR
Jasmin Mahmutović

Dostaviti:

- svim učesnicima u postupku
- a.a.